

寶慶四明志

四明志卷第二

郡志卷第二

叙郡中

營室先宗廟制服先祭服作器先祭器教  
敬也有土有守矣宜以祀典之大者次之

社稷

社爲司土之神勾龍配之稷爲司稼之神棄配  
之不屋而壇受天陽也風雨雷師附焉唐天寶  
三載詔社稷升爲大祀四載詔風伯雨師升入  
中祀風伯壇置社之東雨師壇置社之西各稍

北三數十步卑小於社壇風伯用立春後丑祀  
兩師用立夏後申祀五載詔逐州祭兩師宜以  
雷師同壇共牲別置祭器

見會要

國朝用此制 大觀元年議禮局以國家祈報  
社稷用法服郡邑用常服非是 詔以衣服制  
度頒之使州郡自製 政和六年江東提舉沈  
延嗣奏州縣社稷壇壝皆不如法乞按式作圖  
鏤板頒下仍於壇壝之外別爲大牆圍之外建  
一門常加封鎖於齊聽立石刊刻增立法制守  
令上之三日躬詣壇按圖修治從之詔立州縣

社稷風雨雷師壇之式頒圖于天下

政和五禮新儀州縣

社壇方二丈五尺高三尺四出陛稷壇如社之制四門同一壇二十五步風師雨師雷師壇皆

卑小於社四出陛四門皆一壇二十五步燎壇於神壇之左壇之外稍高於神壇壝坎壇之北

壬地南出陛方深取足容納

府社稷壇在子城西南一里齋

官在壇之北舊遇祠祭率假器服于學宮 嘉

定六年提刑程覃攝守器服始備籍藏于有司

寶慶二年守胡桀重修壇壝齋官

淳祐六年

夏 制帥集撰龍溪顏公頤仲謂郡之祀典社

稷爲重壇壝蕪圯齋宮傾欹殊失崇祀之意乃

授通判府事張公琥以經畫成規卜吉鼎造又

謂門運狹陋編戶汙雜復造木爲梁取道通衢  
以便齋宮往來尚嚴潔也

祭器

酒罇四

姑同

壘洗各二

姑同

爵一十二

初四

籩三十二

豆三十二

俎二十六

簠二十六

籩同

簋二十六

籩同

篚三

祝板四

皆同

神位牌四

祭服

冠冕三

青玄衣三

朱裳三

白中單三

朱芾三

大帶綬三

革帶三

佩三

緋襪三

鞋三

**城隍**

古者諸侯既立社稷又爲國立五祀曰司命曰中雷曰國門曰國行曰公厲鄭氏謂國門爲城門則今之城隍是也社稷爲一州境土最尊之神城隍爲一城境土最尊之神聘禮使者必釋幣於門而後行可謂重矣府城隍廟在子城西南五十步梁貞明二年刺史沈承業建俗傳神姓紀名信漢高帝死事之臣也 嘉定九年兩浙轉運司備攝守程覃奏 賜廟額曰靈佑

嘉定十三年火守俞建重建

太守民之師帥也豈曰道之以政齊之以刑而已化民成俗其必由學而洪範八政則以祀先司徒故祀典之後學校次之

**學校**

鐫飲酒禮及貢舉附

唐州縣皆有學開元二十六年明始置州學宜隨州立矣寶應廣德間州燬于表晁之亂王審謂裴倣殿邦而茨塾興見紀德碑豈兵革搶攘之後姑以茨屋爲學乎貞元四年守王沐始建夫子廟大和七年守于季友以開元褻封

文宣王冊文刻之石

貞元大和碑碣具存

聖朝天禧二年守李夷庚移學于子城之東北

一里半 建炎兵燬 先聖殿巋然獨存 治

平中所鑄鐵香爐及殿之前後古栢六皆無恙

前韶州司戶曹事林暉郡人也首捐金錢數十

萬草創黌宇 紹興七年守仇愈成之直殿之

後爲明倫堂

林楠書

翼以兩廡東廡之東齋曰上

達曰廣譽曰造道西廡之西齋曰登賢曰成己

曰時升三門之外會于一門以出於是講肄有

所矣十九年徐守琛即明倫堂之後建稽古堂



徐琛篆書亦舊址也堂之上舊有五經閣郡人樓郁

閣倚雲開之句閣毀經亡

高宗皇帝累頒御書經史乃崇奉于新

堂之上則曰御書閣二十七年守姜師

仲重修七年所建守張津乾道三年重修六

年守趙伯圭又修之久益圯淳熙十三年岳

甫守郡周粹中領校官協謀改貫郡捐錢二百

萬鄉之達尊尚書汪大猷侍郎史彌大勸激士

類鳩材効功自閣之外堂廡重門皆為一新增

置成德齋於上達之後林士衡越二年林士衡

繼周董職又徹新其六齋創冷齋於稽古堂之

西

後改曰養正齋以處小學諸生則分隸諸齋矣

嘉定十六

年守趙師岳復修

御書閣且捐緡錢七

百修諸齋

寶慶改元校官方萬里猶以泮橋

漏室公厨未新爲恨謁之守倅攝守齊碩給緡

錢千石米百倅蔡範亦以舶務之贏助緡錢如

州家之數今守胡桀又給緡錢一千鬻宇輪奐

遂甲東州郡之先進楊公適杜公醇王公致樓

公郁王公說以義理之學淑士風者也忠肅陳

公瑾始攝郡倅晚著尊

堯集于此以忠節著聞天下者也清敏豐公稷  
侍郎高公閱侍郎林公保尚書汪公大猷皆此  
邦之顯者也郡守李公夷庚仇公愈趙公伯圭  
岳公甫程公覃趙公師岳校官周公粹中皆有  
功於儒宮者也士咸宗之故列祠焉 嘉熙間  
奉 旨升 濂溪 橫渠 明道 伊川  
晦菴諸先生從祀 先聖 淳祐五年冬  
制帥集撰龍溪顏公頤仲祠 南軒張宣公  
東萊呂成公 象山陸文安公于明倫堂之左  
復以郡人有得 三先生之傳者曰 廣平

舒公璘 定川端憲沈公煥 慈湖文元楊  
公簡 絜齋正獻袁公燮列祠于堂之右

祭器

犧尊三 簠勺 坩同

象尊三 簠 坩同

壘二 簠勺 坩同

洗二 巾同

邊八十六 巾同

豆八十六 簠同

簋五十二 簠同

簋五十二 簠同

爵九十一站間

俎七十

祝板站三

簠四

右嘉定七年攝守程覃置

犧尊三

銅造各重九斤一十兩

象尊三

銅造各重一十斤

龍勺八

銅造各重一斤

爵十九

銅造各重一斤

罍二

銅造各重一十二斤

洗二

銅造各重八斤八兩

俎三十四

邊五十

簠三

豆五十

簠十六

簠十六

祝站三

尊站六

爵站十九

右 紹定六年教授陳松龍遵

紹熙頒降 朱文公儀式製造

祭服七副

冕冠七頂

內三頂係金裹銀

朱履鞋七兩

青宗衣七領

白中單七領

大帶綬七條

內三條有銀鐶

朱芾七段

纁裳七腰

腰帶七條

袂七條

箱子七片

右 嘉定七年攝守程覃置

御書

中庸篇一軸周官書一軸

匣天字

文宣王贊一軸樂毅論一軸

匣地字

孝經一軸羊祜傳一軸

匣元字

周易三軸

匣黃字

尚書三軸

匣字字

毛詩四軸

匣宙字

論語二軸

匣洪字

孟子五軸

匣萊字

春秋五軸

匣日字

春秋五軸

匣月字

春秋五軸

匣盈字

法帖十軸

匣吳字

宣聖七十二賢贊象三軸樂章一軸學記

一軸辰字匣

損齋記一軸宿字匣

右紹興以來累次頒降

損齋記一軸溪字長匣

獎諭沈該御筆一軸雲字長匣

右守臣沈該恭藏

神宗皇帝賜臺官滕元發手詔一軸雲字匣

徽宗皇帝御覽龍德太乙宮詩一軸雲字匣

戒約士風手詔一軸漢字長匣



賜忠勇李寶一軸

漢字長匣

禁約苞苴手詔一軸

漢字長匣

廷尉手詔一軸

雲字長匣

損齋記二軸

雲字長匣

玉堂一軸

雲字長匣

右守臣趙伯圭恭藏

幸學手詔一軸

雲字長匣

不許折苗手詔一軸

雲字長匣

右皇子魏王恭藏

臨帖五冊

詔書一軸

右守臣趙師夔恭藏

寶慶訓敕士風詔書一軸

右守臣胡榘恭藏

賜書

經一百一十五部計五百八十一冊

傳解  
釋文

等在  
內

史七十九部計一千三百四十三冊

說史  
者在

內

子一十五部計四十五冊

文集一百七十一部計一千二百五十冊

雜書九十五部計七百二十八冊

御書臨帖五冊

已入御書類

宸翰詔書一軸

已入御書類

右 皇子魏王判州藏書四千九十二

冊一十五軸 淳熙七年有

旨就賜明州於是守臣范成大奉藏于

九經堂之西偏繼又恐典司弗虔乃奉

藏于

御書閣列爲十厨 嘉定十七年校官

臣徐介點檢略有散失其所存者如此

官書

經四十二部計一百六十七冊

史四十部計五百七十九冊

子一十四部計二十九冊

文集三十七部計一百五十九冊

雜書一十一部計一百一十九冊

右元管舊數

川本石經書籍一十四部計一百一冊

右嘉定六年攝守程覃置

六經正義正本通鑑史記兩漢唐書諸史

提要八朝言行錄大事記各七部

右嘉定六年攝守程覃置分七齋各

一部

書板

四明尊堯集一百板

了齋先生親筆二十板

紹定四年教授  
陳松龍置

通鑑要覽五百五十板

洪範講義四十五板

崔官教文集四百三十八板

分毫韻畧二百四十板

紹定五年制帥尚書鄭擴置

文公大學章句一十八板

紹定五年教授陳松龍置

文公中庸章句一十六板

教授陳松龍置

太極圖解一十七板

教授陳松龍置

西銘解一十一板

教授陳松龍置

近思錄一百八十板

教授陳松龍置

續近思錄一百五十板

教授陳松龍置

已丑廷對二十板

教授陳松龍置

傳習錄百六十五板

教授陳松龍置

明學編類文公釋奠禮三十三板

教授陳松龍置

文公小學書二百板

淳祐六年制師集撰龍溪顏公頤仲置

陳忠肅公言行錄字十板

制帥集撰顏公頤仲置

北谿先生字義一百十五板

制帥集撰顏公頤仲置

禮詩二十八板

制帥集撰顏公頤仲置

論俗編五十二板

制帥集撰顏公頤仲置

四明續志三百三十幅

大使兵丞相置

班馬字類二百五十幅

制使李相公置

讀書法二百三十板

性理字訓三十板

濂洛論語六十八板

制帥集撰劉公敞置

問梅小藁八十板

制帥集撰劉公敞置

四明續志四十五板

制帥集撰劉公徽置

濟民莊始末四十五板

制帥集撰劉公徽置



射圃

熙寧中行三舍法武學附選有圃以習射  
舍法罷武學廢圃亦廢 淳熙元年

孝宗皇帝頒射義于天下 皇子魏王判

州三年冬度地築圃于學宮之前凡六畝

四十一步三分三釐五毫有亭曰觀德校

官虞汝翼記于石 嘉定三年亭之南北

建屋二十三間收僦居之租 寶慶二年

校官方萬里恐地久浸失疆界計其丈尺

埋石以識之 紹定四年教授陳松

龍申府復故址建墻宇規撫爲之一新

大丞相申國鄭公清之題



表揭

嘉熙三年鄉帥資政殿學士趙善湘屬教  
授黃一震依式礮石植三表揭于儀門外  
錢糧

鄞縣

田二千九百八十畝二十三步

湖田六百六十六方計七萬四百畝有

奇

地八十三畝三十八步有奇

河塗地二百一十三畝三角一步

水池一畝四十步

山一萬一千七十二畝五十四步半

奉化縣

田四百一十三畝一角五十七步

地六畝一角

山一百八十九畝二角三十二步

慈溪縣

田六百七畝一角七步半

地二角一十三步

山八十三畝三角一十四步

定海縣

田池地山共三百一十二畝三角三十

二步有奇

右除本學舊業外係累任守仇愈秦

樵李景和程準程覃齊碩胡渠相繼

撥到沒官物產或輟錢買置建炎兵火之後

郡人林戶曹暉嘗捐私田半頃入學養士

昌國縣

石弄山砂岸

右 皇子魏惠憲王 奏請撥 賜

今本學自擇砂主

秀山砂岸

右拘入徐榮等物產

以上歲收

白米七百四十七碩八斗七升

三合八勺

湖田糙米一千六百二碩一斗

五升九合

穀二千二百一十五碩二斗七

升九合九勺

河塗錢二百二十貫五百九十

一文

省陌錢  
會中半

租地錢一百二十貫五百六十

三文

省陌錢  
會中半

四明山租錢二百八十貫文

省陌

錢三分官  
會七分

石弄山砂岸租錢五千二百貫

文

省陌錢二分半  
官會七分半

秀山砂岸租錢二百貫文

官會

東安鄉屋錢日掠三十九文

足陌

石弄山砂岸及續撥到諸處砂岸淳祐六年

制帥集撰顏公頤仲申省并在外官民戶

砂岸一例蠲除弛利予民使當地民船團結

保伍有石刻并須知冊各以保護鄉井為念仍截撥

錢歲償府學養士元額及昌國縣官俸省割

附于下方照應淳祐六年二月二十三日準尚書省劄子備朝議大夫右文

慶修撰知慶元軍府事兼沿海制置副使

顏頤仲狀竊謂古者開市不征澤梁無禁

小民牧養猶慮不周今乃非闕市而橫征

託砂岸而苛禁傷聖朝愛養之太奪小

民衣食之源詎可視之而不問耶照得本

府瀕海細民素無資產以漁為生所謂砂

岸者即其眾共漁業之地也數十年來龍

蠲之夫假抱佃以為名暗有司以微利挾



越辦官課之說爲漁販細民之謀始爲脫給  
文憑久則視同己業或立狀投獻於府第或  
立契典賣於豪家倚勢作威恣行刻剥有所  
謂船頭錢有所謂下簞錢有所謂曬地錢以  
至竹木薪炭莫不有征且計口輸金下及醫  
名爲抽解實則攫挾猶且計口輸金下及醫  
卜工匠糊名色以苛取皆官司之所無凡海  
民生生一孔之利竟不得以自自輪之官者  
幾何誅之民者無藝利入私室怨歸公家已  
非一日甚至廣布爪牙大張聲勢有砂主有  
專櫃有牙秤有攔脚數十爲群越截衝要強  
買物貨極托私並受亡狀而詐欺抑農民而  
採捕稍或不從便行羅織私置停房甚於困  
圖拷掠苦楚非法厲民含冤吞聲無所赴愬  
聞毆殺傷時或有之又其甚者羅致惡少招  
納刑餘揭揭府第之榜旗爲逋逃之淵藪操  
挾矢撾鼓鳴鉦條方出沒於波濤俄復伏藏  
於窟穴強者日以滋熾聚而爲姦弱者迫於  
侵漁淪而爲盜薄人于險靡所不爲他人之  
舟即已之舟他人之物即已之物兵卒不得

而呵官府不得而詰曩者永嘉之寇蓋亦萌  
集於斯由其恃有憑依所以肆無忌憚頃歲  
廷紳奏請欲令品官之家不得開抱砂岸蓋  
慮法不能禁則姦究自出胎禍無窮且謂貴  
勢之家與國相為休戚國苟不寧已何利焉  
思患預防辟意激切然戒飭雖詳而占據自  
若顧仲嘗推究其故亦緣州縣利及歲入之  
額致使豪強藉為漁奪之謀若欲此令行先  
自折價浚河渠損征額苟可利民未嘗靳吝  
如砂岸之為民害見於詞訴者愈多州郡豈  
敢較此數萬緡坐視海民困苦而不之救今  
校究本府有歲收砂岸錢二萬三千四百文  
制置司有歲收砂岸錢二千四百貫文府學  
有歲收砂岸錢三萬七千七百九十四貫文  
通計五萬三千一百八十二貫六百文十七  
界欲截自淳祐六年正月為始悉行蠲放却  
將別項窠名撥助府學養士及縣官俸料支  
遣州郡既奉旨應以砂岸屬之府第豪家者  
忍肆虐以專計應是砂岸屬之府第豪家者

皆曰下聽令民戶從便漁業不得妄作名色  
復行占據其有占據年深脫給干照或請到  
承佃榜據因而立契典賣者並不許行用欲  
乞公朝特爲敷奏頒降指揮著爲定  
令或有違戾許民越訴不以蔭贖悉坐違制  
之罪庶幾海島之民可以安生樂業府第豪  
戶不得倚勢爲姦非惟爲聖朝推廣惠下  
之仁亦不至異日激成爲盜之患委非小補  
伏候 指揮

府學石弄山砂岸

石壇砂岸

秀山砂岸

蝦辣砂岸

蟹塗砂岸

大嵩砂岸


淳祐六年 制帥集撰顏公頤仲申

省蠲除仍截撥府庫錢三萬七百七十  
九貫四百文十七界分作上下半年償  
學養士元額永爲定例

昌國縣砂岸

淳祐六年 制帥集撰顏公頤仲申

省蠲除仍截撥版帳錢四千餘貫充縣  
官俸料錢



鄉飲酒禮

舊俗以歲之元日或冬至太守率鄉之士  
大夫釋菜于

先聖

先師而後會拜堂上長幼有序登降有儀

擯介有數倣古鄉飲禮

建炎學燬禮廢

紹興七年學重建守仇愈復舉故事益以酒三行後三年仇公復來置田百有六畝支其費又三年郡人林保爲比部郎聞于朝遂取其式頒行天下行雖不久猶聽州縣從便故明州行之如初而仇公所置田移以養士酒禮遂輟乾道中秘閣張津守郡三撥沒官之產以補之王伯庠記諸石產段刻于碑陰嘉定七年提刑程覃攝守禮行尤盛且輟楮券二千緡附定海

水軍庫歲責稱貸之息侑費厥後歲雖會  
拜無復舊典 寶慶三年冬十二月尚書  
胡榘守郡議行禮於人日括贏錢止八百  
緡郡出七百緡助之貳車蔡範助百緡鄉  
人厲氏助五十緡戶部尚書郎何炳董之  
日會耆俊參訂同異潤色綿蕞六邑風動  
驪願齒列凡一千五百餘人昔者升歌合  
樂之儀未皇蒐舉於是依鹿鳴等詩之聲  
節以合止獻疇交錯古意頓還 淳祐六  
年制帥集撰龍溪類公頤仲范舉舊典



增造禮器以人日行禮盍簪酬酢者三千餘

人資政殿大學士正奉大夫陳公卓首賓席

儀文視前彌煥為費五萬四千七百七十貫

有奇出于府帑禮成制帥賦詩主春人曰喜陰晴文

物衣冠萃四明禮樂幾年今一見主賓百拜酒三行人心天理頌興起士習民風悉變更

太守自慚才德薄網維全賴老先生大夫士賡和盈佚

水田三百一畝一角一十九步七分

山一百九十二畝三角四十六步半

地八十畝二角二十步

屋二十間半七厦一舍外賃屋九間一

舍

以上石刻元載歲收

穀五百二十九碩七斗一升八合  
拘沒史僥冒占徐和東屋基係樓  
店務地坐落鄞縣武康鄉開  
明坊日收賃錢一百二十文  
足

寶慶三年管催數

鄞縣租穀二百二十一碩七斗五

升三合五勺

租錢一十二貫二百一文

省陌錢會

中半

奉化縣租穀二十六碩

昌國縣吉祥院折穀錢二百二十

貫文

省陌錢會中半

定海縣水軍庫官會二千貫文收

息二分大約一歲收四百貫

文

官會

貢舉

宣和罷舍法復科舉三歲一試解一十二

名 紹興二十六年兼西北流寓通解一  
十四名舊無貢院士亦不過數百率寓試  
于行衙又于府學西妙音院院爲之廢

建炎元年移其額于定海四年燬于兵士  
寓試于譙樓之上或于開元寺試者日衆  
乾道五年守張津始即妙音院廢地建院  
以容之靡金錢一千萬東西重廊凡一百  
四十楹立聽事於其北位考官於其後執  
事之舍悉備侍御二其後又不足以容有  
司每借府學之冷齋以居 嘉定六年提

判程覃攝守葺治之南增屋數十間作封  
彌謐錄所又於學地立牆以障之限隔始  
嚴紹定元年守胡榘重修謐錄屋圯重  
建

教授

聽事學之東南

續增貢舉額

端平元年被旨增解額一十四名

賦經

四名通前共二十八名

郡志卷第二

四明志卷第三

郡志卷第三

叙郡下

城郭

羅城周回二千五百二十七丈計一十八里奉

化江自南來限其東慈溪江自西來限其北

西與南皆它山之水環之唐末刺史黃晟所

築

晟鄞縣人僖宗末結羣豪保護鄉井昭宗初董昌表為刺史終於梁開平三年墓碑

云此郡先無羅郭民若野居晟築金湯壯其海橋絕外寇窺覷之患保一州生聚之安按

會要及移城記長慶元年移州治於鄞縣治而於舊州城近南高處置縣且徹舊城城新

城則今之子城是也又按通鑑大中十三年  
賊仇甫攻陷象山明州城門盡閉咸通元年  
肅分兵掠明州州民相與謀曰賊若入城妻  
子皆為蕪鹽况貨財能保之乎乃相率出財  
募勇士治器械樹柵浚溝斷橋為固守之備  
然則雖有子城而無羅郭備禦所以難也錢  
氏據有吳越明為屬郡後且以子弟鎮之城  
郭增壯自此始矣舊經云閩粵無諸所築夏  
侯曾先謂劉牢之築以塞三江之口西城外  
有城基上生竹篠俗曰篠牆即故基也晉末  
海寇孫恩犯會稽則由上虞以入不由乎明  
州者亦以此城據三江之險云按漢鄒鄒屬  
會稽郡不屬閩粵固安得為無諸所築篠牆  
為劉牢之所築故基則非今羅城也孫恩乃  
自海島舟行破上虞寧畏此城之險求晁能  
陷明州豈孫恩不能破乎况晉末此亦未有  
縣治也故不敢  
以舊經為據

皇朝寶慶二年守胡渠重修  
除望京靈橋東  
渡三門更新外



其他城郭樓門坪薄為厚增卑為高補錚  
易圯九費楮券萬二千五百三緡有奇 四

城門九十西曰望京門有水門通漕運舊名

興喬更名父而圯守胡榘重建夾城立柱棧

其上衡七間從三丈有九尺四窻玲瓏與四

明山相直既揭門名又扁其樓曰明山寶  
慶二年八月十六日經始次年六月二十七

日落成費楮券萬二千  
四百一十四緡有奇 南曰甬水門有水門通漕運

南東曰鄞江門今閉東曰靈橋門實慶三年

修稍拓舊址易墁壁為窻扉扁其上曰鄞江

樓人猶曰此門視望京為主而雄壯弗逮於

陰陽家未宜細定元年正月適遭延燎乃

疊城高五尺更建樓門制度與望京樓門等

衡續二間從加三尺東面天童太白俯瞰鄞

江浮梁卧虹於其前東西二樓對峙四明之

景繁可觀矣門名新書樓曰來安門市舶務

扁全於救焚之餘仍用之

不立名呼曰市舶務門寶慶三年守胡榘重修始題扁蓋先是通判蔡範建來安亭實  
在門外故以亭名名曰東渡門火于紹定元  
之惟舶貨入則開年今方更新

東北曰漁浦門今閉北曰鹽倉門鹽入則開曰達

信門今閉北西曰鄭堰門

**坊巷**

古者州閭鄉黨莫不有名如闕黨東里之類後世猶有稱其鄉曰鄭公榜其門曰通德者唐制百戶為里五里為鄉四家為隣四隣為保在城邑為坊田野為村坊之名蓋昉乎此街衢巷陌官為之制宜也此邦

生齒旣繁侵冒滋多甚至梁水而楹跨衢  
而宇往來間阻輿馬尤病 紹定元年正  
月東北廂火救焚者束手無措旣而掘視  
古溝率在居民臥室之內人知廣其屋宅  
而不知自爲不利守胡渠以閘干 省令  
下禁塞水衝者食喉氣喉兩硤橋浦不許  
立屋凡街衢巷陌經火者悉從舊址而並  
渠之人以湫隘爲詞猶戶捐以數尺之地

東南顧

錦勲坊

嘉熙四年  
趙善湘奉

制帥趙以夫爲  
額

握蘭坊

西南南交  
界新橋東

清潤坊

西南南交  
界新橋橋

連桂坊

施家巷口

餘慶坊

西南南交  
界南廟

重桂坊

新寺巷口  
為孫君枝與子起三同第立

進賢坊

洗馬橋西

興廉坊

洗馬橋下

吉祥坊

破石梯南

錦樂坊

薄祐五年  
余天錫奉

康樂坊

淩角巷口

迪教坊

東橋  
胡架於火後重立

積善坊

小江橋南  
胡架於火後重立

狀元坊

天封塔下  
黃由為傳行簡立  
嘉泰二年

東北廟

諸坊皆  
胡架於火後重立

東北廟

諸坊皆  
胡架於火後重立

千歲坊

南湖頭西  
南廂交界

安平坊

天慶觀前

阜財坊

小梁街  
巷口

開明坊

鄞縣前

拱星坊

廊頭巷口

富榮坊

能仁寺巷口  
西北廂交界

廣慧坊

大梁巷口

泰和坊

縣河下

宣化坊

魏家巷口

西南廂

純孝坊

府橋西

美祿坊

四明橋西

迎鳳坊

四明橋東

問俗坊

史府前

史君坊

史府前

衆樂坊

君奢橋西

釋褐狀元坊

君奢橋南  
年守黃由爲宣  
嘉泰三  
繒立

行春坊

寶雲寺西

靈應坊

宣府前

符桂坊

汪運使橋西  
攝守程覃為汪立中立

嘉定七年

畫錦坊

樓府東以王周領鄉郡立

振名坊

倉橋北

順成坊

倉橋下

緩帶坊

崇教寺後

惠政坊

天寧寺南

西北廂

宜秋坊

應家巷口

壽寧坊

虹橋北

崇孝坊

路分衙側

永濟坊

奉國樓前

恤仁坊

佛閣下  
紹定元年  
守胡渠於火後重立

廣仁坊

白衣寺巷口

朝士坊

戴家巷口

修文坊

孝文巷口

影泉坊

蔡家巷口

儒行坊

鑒橋下

朝桂坊

頂戴橋下  
為劉炳立

狀元坊

鑒橋下為  
袁甫立

狀元坊

府學前為  
姚穎立

防虞石水步

淳祐三年春併新  
聽居民從便汲水

朝拜上馬亭後一所

此處係亭宇合置鎖鑰付  
天慶觀收掌晨啓夕閉

新排橋北一所

已下三處止立  
坊碑不置鎖鑰

景福寺街東一所

錦勲坊東一所

制府兩司倉場庫務并局院坊園等

府都倉

奉國門內之西苗米職田  
米湖田米小麥分貯焉

常平倉

奉國門內之東二倉皆寶慶二年守胡榘撤舊而新倉各十一區區各三間

糯米倉

建寧門外寶慶三年守胡榘重庭前虛地各六十餘丈繚以步廊

支鹽倉

子城東北一里八十步凡七教

甲仗庫

設廳前二廡之間寶慶三年守胡榘重修且修軍器

軍資庫

設廳前東廡之後寶慶二年守胡榘重建凡三十九間公聽吏舍之外庫地

皆棧以板

制置使司平糴倉

淳祐二年制帥陳壇初建詳見第六卷敘賦下

制置使司平糴本錢庫

與倉同時初建用軍資庫空地

制置使司犒賞庫

舊附軍資



激賞解庫

淳祐五年二月制帥大卿黃公壯猷任內勘就於賞庫開過本錢二十

萬貫十七界 集撰類公頤仲再於激賞庫開過木錢

三十二萬貢十七界

制置使司平糴南倉

延慶寺西 淳祐四年制帥嚴公綸建詳見

第六卷叙賦下

醕酒庫

府東門舊參議衙 端平三年制帥大卿趙公與憲勘 淳祐六年制帥

集撰類公頤仲委樊督官司戶黃績刊定規式載于章刻詳見叙賦上酒門

常平庫

附軍資

公使庫

設廳前西廡之後乾道中守張津以  
簽判舊廨益之屋久而圯守胡渠重建

九一百六十一間磨有院確有坊酒有  
棧錢米什物有庫公廩吏舍以及神宇

莫不整整寶慶三年二月十五日經  
始十一月三十日告成役工一萬五百

二十六用楮券一萬二  
千六百二十七緡有奇

東醋庫

靈橋門外

西醋庫

美祿坊酒  
務之東

都稅務

東渡門裏皇朝景德四年置  
紹定元年守胡渠於火後重建

市舶務

淳化元年初置于定海縣後乃移州治  
在子城東南其左倚羅城嘉定十三

年火通判王挺重建久而圯實慶三  
年守胡渠捐楮券萬三千二百八十八

# 都酒務

緒有奇屬通判蔡範徽新之重其聽事  
高其開閣內聽扁曰清白堂後堂存舊  
名曰雙濟清白堂之前中唐有屋以便  
往來東西前後列四庫分二十八眼  
以寸地尺天皆入貢奇祥異瑞爭來送  
不知何國致白環復道諸山得銀甕號  
之兩俠東西各有門東門與來安門通  
出來安門為城外往來之通衢衢之南  
北各設小門隔衢對來安門又立大門  
門之外瀕江有來遠亭乾道間守趙  
伯圭建慶元六年通判趙師岳修  
寶慶二年蔡範重建更名來安賈舶至  
檢覈于此歷三門以入務而閉衢之南  
北小門容頓寬敞防閑鎮密司存之吏  
亦免干戾矣務之前門與靈橋門近  
紹定元年正月火自務之西北延燎于  
南務獨免而前門燬二月重建自  
此門之外先後建置皆有碑記  
美禱坊子城西南一百一十步皇朝  
天禧五年置細興五年以其地為通

判南廳務遷于城南平橋下街西高麗  
介衙 淳熙七年有旨以其地賜相

臣史浩今寶奎精舍是也務又遷于湖  
西觀音寺側嘉定元年省罷添差通

判南廳通判移治西廳務乃復舊基比  
較贍軍二務萃焉扁曰三酒務其偏為

歲春園其外為慶豐樓樓嘉定十六  
年守趙師岳所建也實慶三年守胡

渠重修務屋九費楮券四  
千一百四十七緡有奇

### 比較務

舊在羅城東樓心寺側  
紹興間併歸都酒務

### 贍軍務

舊在開元寺西  
紹興間併歸都酒務

### 香泉庫

乾道間置六庫分在六城門續  
添鹽倉門新門二庫九八庫

### 教場

子城西北總為地四十畝一角四十步  
東一百步南北九十七步官廳射亭金其

北  
守胡渠重修三年

物料場

舊經云寄市船務之東廊舊云在子城裏今廢

合同場

舊在州東門外政和四年承朝旨置其後以為添倅聽而場移于西壽昌

院中添倅聽宇雖移而場不復還故處今廢

造船場

城外一里甬東廂

制置司和劑藥局

府舊無藥局疾病者取藥于市假偽售真其害滋甚實

慶三年守胡渠始創局于郡圃射梁之西為屋七間有閣以居藥井竈庖湔皆

整器用什物咸備總費楮券四千緡外捐萬緡市藥命官吏主之劑量精審聞

境賴惠漸收贏錢以補泛費其萬緡則循環充本

作院

聖功寺東本寺地也父而屋地嘉定六年寺復請其地每有製造軍器別踏逐寺

局院置

省馬院

淳祐壬寅冬重建在達信門裏

雪窖

嘉定十六年守趙師鼎置在甬東廂法雲寺後

養濟院

西門裏距府一里半舊有居養院後廢為威果全捷營故置養濟院寶慶三

年守胡渠重修日給百餘人支米一升錢十二文省小者減半亦一二十人

安濟坊

西門裏崇寧二年令置安濟坊以養病者本府以大觀元年閏十月始建

漏澤園

崇寧三年以人物繁庶貧無以葬寄留僧舍或委棄道旁令州責之縣選有常

住僧管幹擇地以常平錢置四年五月詔曰天下承平日久民既庶矣而養生

送死尚未能無憾朕其憫焉今鰥寡孤獨既有居養之法若疾而無醫則為之

置安濟坊貧而不葬則為之置漏澤園朕之志於民深矣監司守令奉行無忽

本府以崇寧三年置于城南柳亭院僧主之

公宇

子城

周回四百二十丈環以水唐長慶元年刺史韓察所築歲久民居跨壕造浮棚直抵

城趾不惟塞水道礙舟楫設有緩急亦無路可以運水邦人病之淳祐癸卯

春制守陳垣給錢酒付造棚人聽自除圻環城遂有路可通立東子城水衙坊

牌一子城限西街坊牌二重修子城

奉國軍門

即子城門也門額守潘良貴書譙樓上有刻漏皇朝慶曆中太守王周

重修久益圯紹興三十一年守韓仲通訪得吳人祝岷治銅為蓮華漏藝精

制古簽判許克昌記之慶元間守鄭興裔嘉定間攝守程覃重修嘉熙

二年又圯于風守趙以夫重建特進觀文殿大學士鄭清之作記

宣詔亭

奉國門外之左亭之右又有曉示亭

頌春亭

奉國門外之右亭之左又有曉示亭

子城東門

奉國門內常平倉之後寶慶三年胡榘重建費楮券一千二百二十

一緡有奇

子城西門

奉國門內苗米倉之後

慶元府門

有樓直奉國門之後舊揭明州之額守番良貴書州陞慶元府守何濬書

額嘗因火投烈燄以厭之今額丞相史魯公書守趙師岳立也嘉熙二年為

風所圯守趙以夫重建鄭丞相作奉國軍門記併述

儀門

直府樓門之後二子門翼之列戟其中寶慶三年胡榘重修淳祐六年春

制帥集撰瀨公

設廳

與儀門相直前有庭後有穿堂屋寶慶二年皆圯于風守胡榘重建經始於八月



八口落成於十二月二十九日用楮券一萬二千六百三十八緡有奇

戒石亭

設廳前

茶酒亭

分峙設廳前之東西  
定元年守胡榘重建

紹

制置司簽廳

由設廳西廡以入  
東面直設廳之西

慶元府簽廳

由制置司簽廳前入  
面南直設廳之西北

續舟

元在設廳後  
集撰類公頤仲移就

淳祐六年  
平易堂後

制

進思堂

紹興四年守郭仲荀建  
制帥集撰類公頤仲以舊規

淳祐六年冬  
湫隘卑下

歲老不支於是增為

書堂廡從公請也  
年春賜

平易堂

進思堂之後  
淳祐六年冬

紹興二十年守曹泳建  
制帥集撰類公頤仲重建

羔羊齋

平易堂  
之後

獅子門

設廳之左由此以入治事廳

治事廳

建炎末守張汝舟建淳祐五年冬規撫視前宏敞

錦堂

治事廳後正寢也歲久傾圯淳祐元年守余天錫新之氣象宏壯事聞辛丑賜

御書錦堂二字以天錫典鄉郡奉母修茲寵榮天錫刻扁揭示不朽寓貴端明

殿學士陳卓記資政殿大學士鄭清之題額書持進觀文殿大學士鄭清之題額

公生明

正堂之後後堂之前為穿堂三間八窻玲瓏蓋便坐閱文書之所舊湫隘特甚

守余天錫一新未及名陳壇繼其後募司馬文正公所書公生明三字揭扁

清暑

府堂西偏一堂淳熙初魏王建中圯于風守余天錫新之扁仍舊樓參政鑰所舊

向南有小軒可坐尤宜冬

鎮海樓

府堂之東偏寶慶二年守胡榘始建新武岡倅李劉記

句章道院鎮海樓之下

仁齋寶慶二年守胡榘撤新之更

友山亭仁齋前之南偏在脩竹間紹興壬戌守梁汝嘉建郡人樓鎬更名友山

鄧山堂在鎮海樓之北建炎兵燹歸然獨存堂下因舊基建

雙檜最古方池前後各一百餘年新編且地淳祐壬寅冬制守陳瑄一新

用舊名資政殿大學士鄭性之書刻制置司準遣鄭侶所作上梁文于屏板

九經堂太宗皇帝淳化元年詔頒國子監九經二年守陳元作堂以藏久而堂址別

元祐五年守李闕鑿池畚土增舊址別求九經藏之火于建炎紹興十八

年守徐琛又新之跨池為石橋通鄭山堂翼以步廊淳熙七年范成大守明

詔賜乃魏王所藏書四千九十二冊五軸乃葺斯堂奉其書西偏已乃藏

所賜書于府學之御書閣築堂及奉安賜書于府學之碑記而陳之碑逸矣

淳祐五年冬集顏公頤仲重修

梅莊 占春亭 春風堂之南 淳祐六年制帥集撰顏公頤仲建

桃蹊 可憩亭 由桃源而西 淳祐六年制帥集撰顏公頤仲建

射亭 九經堂後留春亭前之西偏西西其西為堦而棲鵠焉軍士時習射於此曉小教場

乾道元年守趙伯圭因舊址新之

桃源洞 出射亭少西而北穴子城以出北東西繚以牆蓋郡圃總名也

更恭亭 入洞門北折而西 嘉定十六年守章良朋建前有古檜二取東坡先生雙童

老更恭之義名之

傳觴亭 更恭亭北行折西 嘉定七年攝守程覃建鑿石輒水為曲池於亭內

春風堂

傳鵲亭之西程覃建疊石為山峙其後石山之下有小池

雙瑞樓

春風堂之南程覃建因田夫以駢幹之栗來獻而名之蓋子城後門也

夫容堂

春風堂之西程覃建鑿池植蓮于後

清心堂

夫容堂之西隆興癸未守趙子滿建

明秀樓

清心堂之西程覃建其下曰方壺寶慶二年圯于風

甬東道院

清心堂之南趙子滿建

茅亭

甬東道院南穴子城以入折而東舊有二亭今存者一爾

熙春亭

茅亭之東迤于北興癸酉守韓璉建紹

真瑞堂

熙春亭之東迤于南前有木犀

夾芳亭

真瑞堂之東迤于北程覃建

步廊

自鄭山堂九經堂之西入射鴻之南西折而行而入夾芳經射亭前入桃源洞西折北行

轉西至傳觴亭西行至明秀傳觴亭之東北出圃後門雖兩雪不妨步履寶慶三

年守胡  
槃重修

百花臺

太守曹泳  
建今廢

佳趣亭集春亭容與亭  
今廢

及瓜亭

子城西南  
百六十步

喜雨樓

及瓜亭  
之上

肅賓亭

望京門裏舊  
名待賓亭

紅蓮閣

子城西南八十步  
公得象嘗倅是邦  
皇朝宰相章邵  
大中祥符間建

衆樂堂

子城西南屹立湖中東南有橋以通東  
往風漪月浦極目無塵而近在郭郭之

內一景也  
嘉祐間守錢公輔建  
元記之守呂浮書額  
乾道四年守張

津重

涵虛館

淳熙初年魏王建蓋於眾樂堂之後即  
湖棧閣行舟登降之所也  
寶慶三年

守胡桀  
重修

隱德堂

眾樂堂之南  
紹興十三年守莫將為  
賀知章立設像而祠焉  
取李太白之句

名以逸老父而圯  
寶慶三年守胡桀  
更新之九月十四日  
經始十二月三十

日畢工用楮券五千三百九緡  
有奇視  
舊益堅壯而軒敞  
明年乃繪夏黃公之

像合祠其中更今名  
奉化丞諸葛興記

竹洲

西湖之南  
政和間守樓昇領鄉郡建錦  
照堂父而圯  
隆興二年守趙子滿重建

更名  
今廢

廣生堂

西湖廣福院劉守趙伯圭建放生之所也 乾道元年

三江亭

鄞江之東舊有亭名三江久廢 紹興十年守潘良貴創亭于江之西城之上

東渡門之北取舊名名之蓋慈溪之江與奉化江合流其前而入定海江也

十洲之一

四明之所以所以得奇絕者以其有日月二湖

十洲神仙所居也此取象焉以訂名者曰柳曰雪以州名者曰芳草曰芙蓉曰

菊花以島嶼名者曰月曰松曰花曰竹曰煙總而言之凡十湖山之勝豈惟當

與邦人共之雖遠方之好游者亦使至焉今洲之大者為寺為觀為臺館未免

自有其有僅存一洲詢之耆老亦莫能識廣袤不盈丈自安其小以此得全淳

祐二年秋郡守陳瑄政事之暇一日拉僚屬登此洲謂然曰人棄我取因其地

勢命添倅趙體要植亭其下與邦之人及遠方好游者共之遂名是歲十月既



望領客泛舟觀保豐禩平羅倉已廼登  
斯亭藝薌啜茗同此清游制幕林宗論  
元晉有詩云師帥勤民衆務修挾晴領  
客過仙洲不緣惑召豐年好安得從容  
暇日送人在湖山皆自得政先倉廩百  
無憂老農不解君王意却要朝輶爲  
少留

官僚

佐官

唐刺史有別駕又曰長史又曰上佐又曰司馬即漢治中之任方鎮權重則佐貳益卑屈故杜子美有云治中實棄捐

藝祖有天下首置諸州通判以朝官以上充實使督察方鎮當時謂之監州典郡者至有欲求無通判處太平既久其權稍削然兵民錢穀戶口賦役獄訟聽斷之事可否裁決與守臣通簽書施行亦或謂之同

判委任蓋不輕也

中興以來明州通判多至三員魏王在鎮

以長史司馬易其職 淳熙七年依舊

嘉定元年省添差則止二員

通判東廳

儀門外之東廳東有室曰不欺通判張奉世重建謝采伯易名東齋

又東有堂曰壻桂錢端禮植木學其前因取以名續更曰秋風軒端

禮之第端厚來倅復舊名又而地張攀請于郡重建扁曰風月堂亭

曰思齊章良朋建西北有竹所蘇此建嘉定十五年章良朋以常

平使者來攝郡念其舊治為更新

通判西廳

儀門外之西水添差通判居而今之酒務乃南廳通判舊治也

定元年省添差通判酒務復舊基  
南廳通判移治于此號曰西廳聽  
堂皆地今倅潘景良重建聽側有  
清容堂有月林有風月堂悉如故

## 職曹官

皇朝因唐制兩使各置判官推官一節度  
置掌書記觀察置支使爲幕職官錄事司  
戶司理司法參軍各一爲曹官幕職官掌  
助理郡政凡書記支使不得並置有出身  
即爲書記無出身即爲支使錄事掌判院  
庶務糾諸曹稽違司戶掌戶籍賦稅倉庫  
受納司理掌獄訟鞠勘之事司法掌議法

斷刑諸州爲錄事諸府爲司錄。大觀二年詔諸州依開封府制分曹建掾改判官爲司錄參軍推官爲戶曹參軍錄事改士曹兼儀曹參軍司理改左治獄參軍司戶改右治獄參軍司法改議刑參軍。政和二年以左右治獄參軍名稱非古古有六曹掾名可以復置於是司錄參軍外有士曹戶曹儀曹兵曹刑曹工曹六參軍且各有掾視州次第事繁簡增減員數三年又以參軍起於行軍用武非安平無事之

稱改爲司錄事司十曹事司戶曹事司儀  
曹事司兵曹事司刑曹事司工曹事 建  
炎元年 詔州司錄依舊爲簽書節度判  
官廳公事曹掾官依舊爲節度觀察軍事  
推官支使掌書記錄事司戶司理司法參  
軍 大觀四年河北路都轉運提點刑獄  
司言準 令諸錄事參軍不得差出今來  
旣州院並罷其錄事參軍惟是總察諸案  
稽違等事不治刑獄伏乞許令逐司差出  
幹當事務 詔依諸路依此 建炎以來

復置州院錄參管幹

節度判官

聽事舊在儀門外之西乾道中張守津欲故公使庫以故戎司易

之直奉國門之西頌春亭之後王日接准是官徽新其堂宇又築室

于聽事之右以三兩扁上

節度推官

聽事舊在子城之西門外隆興初制閫再津奪為幹辨公事聽遂

徙于奉國門之東宜詔亭之後故戎官之廢也舊聽有石曼卿籌

筆驛詩寶元二年書贈朱復之康定二年復之官于此列之石嘉

祐四年胡宗愈作亭貯之中更兵火亭壞碑休紹興十一年劉偉

建南堂函置一仆碑壁間且以等筆名堂聽車既移碑亦隨之

節度掌書記

不常置

觀察判官 關

觀察推官

聽事舊在堡門外之西偏魏王來鎮以處王本爵官繼又以處添美

通判察推乃能民居韓元禮輟子年趙希瑀汝斯職守韓元禮輟子

城西南之官園且界之財始建公舍蓋酒務之東也

觀察支使

康定二年孟門居官鼎新解宇簿書有次胥吏有位小園有竹樹水

石園建堂曰嘉好堂之南有燕射亭西登府城列四亭曰清肅曰碧

鮮曰待月曰隱几觀察推官朝奉郎試祕書省校書郎陳之武撰記

意府之簽廳乃其地也今官省碑即猶在簽廳

錄事參軍

府院子城南四十步寶慶三年守垣渠重修

司戶參軍

聽事子城東南半里與萬壽寺相對嘉定十三年火重建紹定



元年火守  
胡渠重建

司理參軍

司理院子城  
南三十五步  
嘉定  
十三年火趙  
汝墩重建  
寶慶三

年守胡  
渠重修

司法參軍

聽事舊在子  
城西三十步中廢率  
饒民居嘉  
定十三年始建于子

城東南舊縣  
學基  
紹  
定元年火守  
胡渠重建

制置司官

紹興二年五月以左朝奉大夫中書門下

省檢正諸房公事以余充集英殿修撰福

建兩浙淮東沿海制置使叙位依發運使

例所有本司屬官亦依發運司屬官條例

置司平江之許浦鎮七月呂頤浩言 朝

廷近置沿海制置司最爲得策然虜舟從海道北來拋大洋至洋山三孤宜山岱山獵港岑江直至定海縣此海道一也係浙東路若自通泰州南沙北沙轉入東簽料角黃牛埭頭放洋至洋山沿海岸南來至青龍港又沿海岸轉徘徊頭至金山入海鹽縣澉浦鎮黃灣頭直至臨安府江岸此海道二也係浙西路萬一有警制置一司必不能照應兩路事宜乞令仇愈管浙西

淮南路別差一員管浙東福建路從之三年六月罷司見在定海縣船令明州守臣兼總領參謀參議並罷屬官人吏等裁減數目九月 命侍衛親軍步軍都指揮使武泰軍節度使主管殿前司公事郭仲荀爲檢校少保知明州兼沿海制置使以紹興府溫台明州爲地分屬官參謀參議主管機宜文字書寫機宜文字各一員幹辦公事準備差遣各四員海道幹當使臣八員六年置副使八年以浙東安撫使知紹

興府兼使司十年仍舊十一年罷隆興  
元年復置司敷文閣學士趙子瀟首被  
旨知明州兼沿海制置使奏仍以紹興  
府溫台明州爲地分所部州縣軍兵將官  
巡尉及本地分內應有屯泊官兵並乞聽  
節制前所差官屬員多今乞裁減止置參  
議官書寫機宜文字幹辦公事準備差遣  
各一員海道幹當使臣四員依安撫司屬  
官例破請給得旨依

參議

聽事子城東門  
外舊司馬衙

書寫機宜文字

元辟親屬充後不常置

幹辦公事

聽事子城西門外乃節度推官舊居也

準備差遣

聽事萬壽寺西舊縣學基嘉定十三年建

幹當使臣

今三員

兵官

制置司水軍官見叙兵

國朝置總管鈐轄司掌總治軍旅屯戍營

防守禦之政令凡將兵隸屬者訓練教閱

賞罰之事皆掌焉總管副總管武臣以諸

司使以上充文臣以兩省五品以上充一

州即為兵馬總管一路即為馬步軍總管

路分都監掌本路禁旅屯戍邊防訓練之  
政令州府以下都監皆掌其本城屯駐兵  
甲訓練差使之事資淺者爲監押要郡又  
有駐泊兵馬都監巡檢司有沿邊溪洞都  
巡檢或蕃漢都巡檢或數州數縣管界或  
一州一縣巡檢掌訓治甲兵巡邏州邑擒  
捕盜賊事又有刀魚船戰棹巡檢沿江河  
淮海置捉賊巡檢及巡馬逐鋪巡捉私茶  
鹽各視其名分以修舉職業皆掌巡邏幾  
察之事州總管中罷 建炎元年改諸路

路分鈐轄爲副總管路分都監爲副鈐轄其請給人從序位等並依舊鈐轄都監例三年路分鈐轄路分都監並如故五年

詔兩浙東西江南東西荆湖南北福建廣南東路各分置路分總管文臣以安撫使爲都總管兼領兵民事武臣爲副則主兵而已 紹興三年中書舍人趙思誠言

祖宗朝兵馬都監監押大州不過三員小州止一員今一州之中至有六七人職事不修類多騷擾乞今後惟忠義勲勞之後

朝廷特加優卹者許添差外餘更不添差  
詔吏部除宗室外具諸路添差過負數并  
元差因依申尚書省蓋舊制路分鈐轄  
都監駐泊添差都監等專用武藝出身累  
立戰功或隨龍或行門出職人而添差  
都監監押除宗室外不泛與也副總管元  
於紹興府駐劄隆興元年添差副總管  
郭吉駐劄明州乾道中除武臣提刑與  
副總管較位序不協副總管遂移駐明州

浙東路副總管

聽事子城西門  
外制幹聽之前



路分

初僦民居淳熙戊申劉繼忠始請沒官舊屋闢為聽事在永濟橋側久而圯

嘉定二年鄭端禮白于州得錢五萬益以俸餘葺而新之扁其西偏曰西齋

駐泊兵馬都監

添差兵馬都監

兵馬都監

添差兵馬監押

兵馬監押

押隊

準備差使

指使五員

右禁軍廂軍官

紹興慶元府台州都巡檢使

聽事望京門外  
浙東寨中

大嵩巡檢

鄞縣

海內巡檢指使

元有白峯巡檢今差指使一  
貪就海內寨換隸土軍

管界巡檢

以上並  
定海縣

鮎崎巡檢

嘉定中提刑程覃攝守  
奏請省都酒務一貪置

公塘巡檢

以上並  
奉化縣

三姑巡檢指使

舊更有岑江獵港二巡檢今  
差指使二貪就三姑寨換隸

二軍

岱山巡檢指使

以上並  
昌國縣

鳴鶴巡檢 燕溪

右土軍官

務鎮官

市舶務文一員

聽事戚家橋寶慶二年通判蔡範建有碑記

都稅務武一員

都酒務武一員

舊二員攝守奏請省一員為鮎崎

巡檢

比較務文一員

舊二員程覃奏請省一員為鮎崎監鎮

贍軍文二員

紹定二年守胡槩奏請省一員為慈谿縣丞

林村酒務武二員

下莊酒稅武一負

小溪酒稅共武一負

以上並  
鄞縣

奉化酒稅共武一負

慈溪酒稅共武一負

象山監酒武一負

定海監稅武一負

石碶寶幢二稅務共武一負

鄞縣

鮑崎監鎮文一負

奉化縣  
嘉定中  
省比較務一負置

倉庫局院官

苗米倉文一負

聽事舊縣學基嘉定庚辰建  
紹定元年火守胡榘重建

甲仗庫武一員

作院武二員添差武二員

添差不常置

醫官

翰林祇候駐泊一員

鹽官

國朝舊有支鹽場官不係在州縣者並令  
兼管煙火公事 紹聖二年 勅許決本  
場亭戶等鬪訟公事不得過小杖十三  
政和四年建議者謂就場支鹽多有搭帶  
於是逐州置倉置支鹽官二員其鹽場並

改作買納鹽場添差監官并押袋官 建  
炎二年兵部尚書盧益奏諸州鹽倉官吏  
役夫無慮百餘人每一倉數綱一綱官吏  
與夫兵梢之費又不知其幾訟途偷盜罪  
賞至嚴猶不能禁至於般發稽留支請不  
繼客人積壓資次動至數月前建議者謂  
逐州置倉以防私予之弊竊恐其弊今在  
諸場而又在諸倉也 詔令逐州鹽倉官  
前去就場支發三年依舊州倉支鹽四年  
復許就場支鹽每場差監官一員於鹽倉

官或押袋官內選差其餘押袋官權行減  
罷尋有旨不係差充支鹽押袋官除無  
兼職之人權罷外有兼管催煎押袋官且  
令依舊專一監催亭戶煎煉自是州倉置  
罷不常官亦隨之 紹興二十五年 勅  
鹽場買納官銜兼帶催煎覺察盜販二十  
七年尚書省言昨戶部申請罷淮浙路諸  
州支鹽倉各就場支撥今訪聞其間場分  
迂遠客人艱於般請及諸場競相增加斤  
數輕重不等二十八年 詔浙東路復置

州倉諸場官或一員或二員率視劇易爲  
增損慶元府九十三場並隸提鹽司趲辦  
課利而廩給仰本府長亭杜瀆置場台州  
亦本府支官俸鳴鶴蘆花龍頭長山四場  
官舊或差武臣 寶慶二年提鹽司余鑄  
申乞於文資內選辟得

旨依

支鹽倉文武各一員

大嵩場武一員

鄞縣

玉泉玉女二場各武一員

象山



清泉場監鹽押袋文武各一頁

龍頭穿山長山三場各文一頁

以上並  
定海

昌國監文武各一頁

岱山場監鹽押袋武二頁

東江高南亭二場各武一頁

蘆花場文一頁

以上並  
昌國

鳴鶴場文二頁

慈溪

長亭場文一頁

杜瀆場武一頁

以上並  
台州

造船官

國朝 皇祐中溫明各有造船場 大觀  
二年以造船場并歸明州買木場并歸溫  
州於是明州有船場官二員溫州有買木  
官二員並差武臣 政和元年明州復置  
造船買木二場官各一員仍選差文臣二  
年爲明州無木植并就溫州打造將明州  
船場兵級買木監官前去溫州勾當七年  
守樓昇以應辦三韓歲使船請依舊移船  
場於明州以便工役尋又歸溫州 宣和  
七年兩浙運司乞移明溫州船場并就鎮

江府奏辟監官二員內一員兼管買木未  
幾又乞移於秀州通惠鎮存留船場官外  
省罷從之 中興以來復置監官於明州

監官文一負

挑場在城外一里角東廂聽事直  
挑花渡有亭曰超然晁說之

字以道自號景迂元祐甲為知名  
士崇寧後墜上書入邪範政和

初為監官以讀書自異一日部使者  
來治船車誅責甚峻從容對曰船

待木乃成木非錢不可致今無錢致  
木則無船乃宜使者愧去淳熙十

年襄陽王鉉為監官為立  
景迂先生祠陸游記之

驛鋪

迎恩驛

望京門裏旁有迎恩亭自建武為  
迎送賓客之地驛亭遂廢今為義田莊

星

紹興四年 勅江浙州軍置斥堠鋪專

鋪兵傳送文字今府界內鋪九十七兵一

百一十二人象山昌國率乘海潮往來府

縣故不置鋪

城西鋪

望京門外至景安一十里

景安鋪

鄞縣清道鄉地名馬鋪至西渡鋪連江一十五里

西渡鋪

慈溪縣界至西門一十五里

西門鋪

慈溪縣至甲山二十五里

甲山鋪

慈溪縣金川鄉至漁溪二十五里

漁溪鋪

慈溪縣漁溪坊南至紹興府桐下鋪二十五里

右西路

礫社鋪

甬水門外屬鄞縣光同鄉至北渡鋪連江一十二里

北渡鋪

奉化縣北渡頭至南渡二十五里

南渡鋪

奉化縣南渡頭至縣下二十五里

奉化鋪

本縣郭至雙溪二十五里

雙溪鋪

奉化縣地名雙溪至固海二十五里

固海鋪

奉化縣地名固海至台州寧海縣界海口鋪二十五里

右南路

桃花鋪

東渡門外江之東屬鄞縣老界鄉地名桃花渡北至清水三十五里

清水鋪

定海縣清水坊前至西門二十五里

西門鋪

定海縣郭至縣五里

右北路

河頭鋪

定海縣界育王河頭自桃花至此五十五里自此東至蘆浦五十里

蘆浦鋪

定海縣地名穿山硤東渡海洋至昌國縣

右東路

七

郡志

二六

舊

郡志卷第三